



Sámi allaskuvla
Sámi University College

OAHPPOPROGRAMMAPLÁNA

BOAZODOALLOOAHPUID BACHELOR

1. Prográmma namma ja grádanamahus go lea geargan oahpus

Boazodoallooahpuid bachelor
Bachelor i reindrifstudies
Bachelor in Reindeer Husbandry Studies

2. Oahppoprográmma viidodat

Bachelorgráda viidodat lea 180 oahppočuoggá (oč)/golmma jagi oahppu

3. Sisabeassangáibádusat

Oppalaš lohkan gelbbolašvuohta dahje realgelbbolašvuohta ja sámegiellamáhttu

4. Oahpahusgiella

Sámegiella logaldallamiin, bagadallamiin ja eará oahpahusvugiin
Muhtun logaldallamat sáhttet leat davviriikalaš dárrui, engelasgillii dahje dulkojuvvot sámegillii eará gielain

5. Oahppanjoksoat

Máhttu ja diehtu

- Diehtit guovddáš ođđaset dutkama bohcco, siiddastallama, boazodoalu ja bohcco birra hálldašemi birra
- Máhttit guorramiin gávdnat boarráset dutkama bohcco, siiddastallama ja boazodoalu birra, main sáhtta leat relevánsa ja ávki otná dili čielggademiide
- Dovdat ja máhttit guorahallat boazosámi doahpagiid ja ipmárdusvugiid mat ovddastit alldeset árbevirolaš máhtuid ja siiddastallama
- Diehtit siiddaid ja boazodoalu lánka- ja vuoigatvuohtavuodu, riekteipmárdusaid váldogažaldagaid ja dáidda gullelaš vuođđobarguid
- Diehtit boazosámi ealáhus- ja birgenlágiid váldoáššálaš nuppástuvvama ovdalaččas dáláži ja dálá áiggi ealáhus- ja birgenlágiid váldogažaldagaid
- Diehtit boazosámi iešstivrejumi viidodaga ja eiseválddálaš hálldašan-/stivrenvugiid váldogova, ja oaidnit gažaldagaid mat čuožžilit dán gaskkas
- Diehtit máilmmivárdosa váldogova boazoálbmogiid birra ja alldeset ovtasbarggu birra
- Diehtit dahje oaidnit gažaldagaid mat čuožžilit boazodoalu ja olggobeali beroštumiid dahje eanangáržžidemiid gaskkas, ja das viidáset maid boazodollui guoskevaš gažaldagaid mat vuolggahuvvojit máilmmidási stuorit rievdamiid, dás erenoamážit dálkkádatrievdamiidda

Gálggat

- Nákcet čađahit vugiid čađahit vugiid háhkat guorahallamiidda sihke árbevirolaš dieđuid/máhtuid ja dutkanvuođosaš dieđuid/máhtuid
- Hárjánit ovdanbuktit árbevirolaš boazosámi dieđuid ja máhtuid siskkáldas boazosámi ja maiddái boazoálbmogiid ovddasteddjiid oktavuodas, ja nuppi dáfus fas olggos guvlui earáide

- Máhttit oaidnit daid sullasašvuodaid ja erohusaid dahje jorgalanválttisvuodaid mat leat árbevirolaš boazosámi fágagiela/máhtuid/ipmárdusvugiid ja almmolaš hálddaha dahje earáid fágagiela/máhtuid/ipmárdusvugiid gaska
- Máhttit ovdanbuktit ja gieđahallat áššiid guovttebeallásaččat mas leat vuhtii váldon sihke boazosámi/boazodoalu máhttu ja ipmárdusvuogit ja dieđalaš/dutkanvuodđosaš dieđut dahje almmolaš hálddašeami ja stivrema gažaldagat ja lahkonašvuogit

Oppalaš gelbbolašvuoha

Gelbbolašvuoha lea erenoamážit jurddahuvvon deavdit dan saji mii lea nuppi bealde sámi boazobargovugiid, ealáhuslágiid ja siiddastallama ja nuppi bealde almmolaš boazodoallohálddašeami, eiseválddi stivrema ja eará olggobeali doaimmaid gaska. Dás lea sáhka sihke sáhka das ahte ovddidit gulahallama ja oidnosii loktet ja fuobmát gažaldagaid mat čuožžilit dien gaskavuodas.

6. Oahpu oppalaš sisdoallu

Oahppu oahpásmáhtta dieđalaš bargo- ja ovdanbuktinvuogiide, ja maiddá movt árbevirolaš sámi boazobargo- ja siiddastallanmáhttu lea nubbi máhttovuogádat ja geahčastatvuohki. Viidáset oahpuin lahkoniit siiddaid ja obalohkáid boazodoalu guoddevašvuoda, bastevašvuoda ja nuppástuvvama mánggabealat vuodđogažaldagaide. Earret máhttovuodu ja valljodatváriid vuodu lea dás maiddá vuoigatvuoda vuodđu guovddáži. Oahppu maid addá vejolašvuoda čiekŋudit lahkoneami iešguđet fágasurggiid vehkiin nugo mat giellalagaduvvon árbevirolaš dieđuide ja máhtuide, birgenlágiide, valljodatváriid ávkki vejolašvuodaide, siskkáldas hálddašeapmái ja iešstivrejupmái ja almmolaš hálddašeapmái ja stivrejupmái.

7. Prográmma huksehus

1. lohkanbadji	2. lohkanbadji	3. lohkanbadji	4. lohkanbadji	5. lohkanbadji	6. lohkanbadji
OKT 101 Eamiálmot filosofiija 10 oč	BOA 101 Boazu ja bohcco ávki/birgejupmi 20 oč	BOA 103 Guohtumuš, guohtun ja guođoheapmi: Eatnamiid ja guođoheami máhttu 10 oč	BOA 200 Boazodoalu lágat, riektevuođđu ja riekte- ipmárdus 30 oč	Válljenfáгат 30 oč dahje BOA 260 Praksis- lohkanbadji 30 oč	BOA 290 Bachelor- bargu 15 oč Válljenfáгат 15 oč
OKT 102 Dieđalaš čállin ja guorahallan 10 oč	BOA 102 Guohtumuš, guohtun ja guođoheapmi: Guohtunšattuid ja guohtuma máhttu 10 oč	BOA 104 Siiddastallan ja boazodoalu hálddašeapmi 20 oč			
BOA 100 Boazodoallo- fágaid metoda; vuodđokursa 10 oč					

SAJO – Sámi allaskuvlla johttioahpamus, boazovázziide oahpamusráiddu 2. oassi guođohanekeologiija lea ollislaččat fágalaččat vástideaddjin BOA 101, ja 5 oahppočuoggá 3. oasis. Eará oasis SAJO oahpus sáhttet buhttet čuovvovaš oahppoovttadagaid Boazodoallooahpuid bachelorgrádas: BOA 102, BOA 103 ja BOA 104. Dáid oahppoovttadagaid dát studeanttat sáhttet váldit välljenfágan.

Sámi allaskuvlla Boazodoallooahpuid bachelorprográmma ovdeš oahppovttadagat *Boazodoallu ja servodatfága 30 oč* ja *Boazodoalu ipmárdus luondduehtaga ja árbevirolaš máhtu vuođul 30 oč*, leat fágalaččat vástideaddjin oahppovttadagaide BOA 101, BOA 102, BOA 103, ja BOA 104.

8. Oahpahan- ja oahppanvuogit

Oahppanvuogit bohtet ovdan guđege oahpu/fága sierra oahppoplánain. Bachelorbarggu čađahettiin fállujuvvo bargui guoskevaš bagadallan

9. Árvvoštallanvuogit

Árvvoštallanvuogit bohtet ovdan guđege oahpu/fága sierra oahppoplánain. Muđui árvvoštallojuvvo studeantta bachelorbargu, man viidodat vástida 15 čuoggá, ja dan ovdanbuktin obbalaččat.

10. Bargo- ja joatkkaohppovejolašvuođat

Bachelorgrádaprográmma ollašuhttin addá gelbbolašvuođa dihto mastergráda oahpuide juogo Sámi allaskuvlla dahkan soahpamušaid vuođul eará oahppoásahusaiguin dahje ohcama vuođul.

Oahppu addá gelbbolašvuođa bargat mánggalágan almmolaš ja priváhta surggiin, ee. hálddahussurggiin gos dárbbášuvvo boazodoallomáhttu, meahcceháldašanmáhttu, servodatmáhttu dahje sámi ja eamiálbmotdiehtoperspektiiva. Jus lohká lassin jahkásaš praktihkalaš-pedagogalaš oahpu (PPO), de oazžu gelbbolašvuođa nu ahte sáhtta oahpahit luonddu-, servodat- ja kultuvrafágain vuođdoskuvllas ja joatkkaskuvllas.

11. Eará dieđut

Kvalitehtasihkarastin:

Čujuhuvvo SA kvalitehtasihkarastinvuogádahkii ja dasa makkár vejolašvuođat ja geatnegasvuođat studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvoštallamiid, eksámenraporttaid, sensorraporttaid ja fágareportta vuođul.